

2800

ԿԱՆՈՆԱԴՐՈՒԹԻՒՆ

ԵՐԵՎԱՆԻ ՀԱՅ ՔԱՀԱՆԱՆԵՐԻ ՄԻՈՒԹԵԱՆ.

I ՆՊԱՏԱԿ:

1. Միութեան նպատակն է՝
- Ա. Հոգալ քահանաների մտաւոր զարգացումը ընդլայնելու մասին.
- Բ. Բարելաւել անդամ քահանաների տնտեսական դրութիւնը.
- Գ. Հոգալ անդամ քահանաների այրիների տնտեսական կարիքները և որբերի ուսման գործը հնարաւոր չափով.
- Դ. Նպաստել զաւամեալ և պաշտօնին անկարող անդամ քահանաներին՝ բացի 6, 7, 8, 9-րդ յիշած նպատակից.
- Ե. Օգնել անդամներին՝ հարկաւոր դէպքում կողմնակի պաշտօն գտնելու.
- Զ. Պաշտպանել և բարւոյնել անդամների իրաւական դրութիւնը.
- Է. Կազմել փոխառու խնայողական զբաղմունքի օգուտն ձին կանոնադրութեամբ.
- Ը. Կազմակերպել քահանայական պատուի միջնորդ զատարան քահանաների միմեանց կամ ժողովրդեան հետ ունեցած անարդար վարմունքներ ու թիրիմացութիւններ յառաջացած դէպքերում:

II ՄԻՋՈՅՆԵՐ.

2. Քահանաների մտաւոր զարգացումը ընդլայնելու համար միութիւնը կարող է ունենալ զբաղմունքներ — ընթերցարան, պարբերական դասախօսութիւններ կազմակերպել, հարկաւոր դէպքերում հրաւիրելով նաեւ այլ զիտակ և մասնագէտ մարդկանց:
3. Միութեան նիւթական աղբիւրներն են՝
- Ա. Անդամավճարներ.
- Բ. Տոկոսներ և եկամուտներ միութեան գումարներից.
- Գ. Նուիրաբերութիւններ.
- Դ. Կողմնակի արդիւնք՝
 1. Զբաղմունք երեկոյների գերեզմանօրհնէքի արդիւնք.
 2. Կամաւոր տուրքեր քահանաների օրինակատարութիւնների ժամանակ և կտակաւանդներից.
 3. Քաղաքիս ննջեցելոց համար գերեզմաններ պատրաստելու վարձ.
4. Միութեան զբաղմունքը (ընթացիկ ծախսերը դուրս եկած) մնում են զբաղմունքի մէջ անձեռնմխելի իր կազմակերպուելու ժամանակից մինչև երեք տարին լրանալը:
5. Երեք տարին լրանալուց յետոյ, ընդհանուր ժողովը սահմանում է խնայողական զբաղմունքի կանոններ միութեան գանձարանից անդամ քահանաների փոխաբերաբար տոկոսով օգտուելու մասին:
6. Միութեան կազմակերպուելուց հինգ տարի յետոյ բոլոր զբաղմունքի միմիայն տուկոսները ամեն տարի չափաւոր թափանցում են միութեան անդամ քահանաների մէջ. իսկ „միջոցներ“ վերնագրի տակ յօդ. 3. ընդհանուր եկամուտները աւելանում են զբաղմունքի վրայ մինչև տասն տարի լրանալը:
7. Տասն տարուց յետոյ, արդէն գումարուած պատրաստի զբաղմունքի մշտապէս մընում է զբաղմունքի մէջ և գործադրում 5 յօդ. յիշած նպատակի համաձայն, իսկ տասն և մէկ-երորդ տարուց սկսած նոյն „միջոցներ“ վերնագրի տակ յօդ. 3 տարեկան բոլոր եկամուտի և ստացուած տոկոսների մի տասներորդ ($\frac{1}{10}$) մասը աւելանում է զբաղմունքի վրայ. իսկ մնացած $\frac{9}{10}$ երորդ մասը ամեն տարի թափանցում միութեան անդամների մէջ:
8. Միութիւնը կարող է տասն տարուց յետոյ զբաղմունքից մի որոշ գումար վերցնել և գործ դնել որ և է օգտաբար գործի և կամ արժէթգրեր գնելու համար, և նրանից ստացած օգուտը յատկացնել համաձայն 7 յօդուածի, իսկ եթէ ձեռնարկած գործը վնաս բերէ, այն ժամանակ անդամները լրացնում են վնասուած գումարը իրանց հասանելի 7 յօդ. յիշուած եկամուտի գումարից:
9. Մայր գումարը 7 և 8 յօդուածներում յիշատակուած յաւելեալ գումարով մնում է անձեռնմխելի՝ բանի որ գոյութիւն կունենայ քահանաների միութիւնը:

14357

14357

- 10 Միութեան անդամ կարող են լինել միայն Երևանի այն քահանաները, որոնք հաստատուն ծուխ ունին քաղաքի եկեղեցիներում:
11. Իւրաքանչիւր անդամ ամեն ամսի 1-10 վճարում է երկու ըուրլի անդամավճար. հակառակ դէպքում ամեն մի անցած ամսի համար վճարում է միութեան գանձարանի օգտին ամեն մի մանէթին մի կոպէկ տոկոս. իսկ եթէ նա մինչև վեցերորդ ամսի վերջը լրիւ չի վճարել բոլոր անդամավճարները, այնուհետև նա զրկւում է միութեան անդամութիւնից և իր հասանելի ամբողջ գումարը մնում է միութեան գանձարանի օգտին. և չունի իրաւունք իր նախկին անդամավճարների, եկամուտների և ուրտօնութիւնների մասին վէճ յարուցանելու. այլ նա եթէ ցանկանայ, կարող է նոր անդամ գրուել համաձայն 16, 4, 5, 6, 7, 8 յօդուածների:
12. Պատուաւոր նուիրատու անդամ կոչւում են այն աձինք, որոնք հինգ տարի շարունակ նուիրում են միութեան գանձարանին տարեկան ոչ պակաս տասն (10) ը. և կամ միանուագ յիսուն (50) մանէթ:
13. Անդամներից որեւէ մէկը երբոր կամենայ դուրս գալ միութիւնից, իրաւունք զրկւում է իրեն հասանելի ամբողջ բաժնից և իր վճարած բոլոր անդամավճարից. այդպիսին եթէ նորից ցանկանայ անդամ լինել, ընդունւում է համաձայն 16, 4, 5, 6, 7, 8 յօդուածների:
14. Երևանից ժամանակաւորապէս բացակայող անդամ քահանան, չի զրկւում իր անդամակցական իրաւունքից՝ եթէ նա շարունակւում է իր անդամավճարը համաձայն 11 յօդուած. իսկ եթէ նա հոգեւոր բարձր իշխանութեան կարգադրութիւնով մշտապէս տեղափոխւում է ուրիշ քաղաք կամ գիւղ քահանայադրածելու, այն ժամանակ նա ստանում է միութեան զրամակղից իրեն հասանելի բաժինը ամբողջապէս:
15. Վախճանող անդամ քահանայի այրին կամ որբերը իրենց հասանելի բաժինը կարող են միանուագ ստանալ, բայց հանգուցեալ անդամ քահանան եթէ չունի կին և ոչ տանը մնացած որբեր, այդ դէպքում հանգուցեալի բաժինը մնում է միութեան զրամակղի օգտին. իսկ եթէ մնում է միայն այրիացած կինը, այն ժամանակ նա ստանում է միութեան գանձարանից հասանելի բաժնի միայն կէս մասը, երբ էլ որ ցանկանայ:
16. Միութեան մէջ մտնող Երևանի քահանան առանձին խնդիրքով դիմում է ժողովի նախագահին իրեն անդամ ընդունելու ընդհանուր ժողովի որոշմամբ, որի մասնակցութիւնը միութեան մէջ հաշւում է մտած օրից. իսկ նպաստ ստանալու համար սպասում է նա այնքան ժամանակ, որքան սպասել են հիմնադիր անդամները համաձայն 4, 5, 6, 7, 8 յօդուածների:
17. Ընդհանուր ժողովի որոշմամբ և թոյլատուութեամբ անդամ քահանան ամենակարեւոր դէպքերում (բացի 5 յօդ.) կարող է որոշած տաս տարին անցնելուց յետոյ, միութեան գանձարանից տոկոսով դրամ վերցնել իր բաժնի կէսից ոչ աւելի. պարտաւորուելով հատուցանել այն իր տարեկան հասանելի բաժնից ընդհանուր ժողովի որոշած ժամանակի ընթացքում:

IV. ԸՆԴՀԱՆՈՒՐ ԺՈՂՈՎ.

18. Միութեան ընդհանուր ժողովները լինում են Յունվար, Մայիս և Սեպտեմբեր ամիսներում. իսկ կարեւոր դէպքերում նաև արտակարգ ժողովներ:
19. Ընդհանուր ժողով նշանակում է նախագահը նաև վերաստուգող յանձնաժողովի և կամ անդամների $\frac{1}{4}$ -ի զբաւոր պահանջով:
20. Ընդհանուր ժողովի խորհրդածութեան նիւթերը ժողովից հինգ օր առաջ նախագահը զբաւոր յայտնում է բոլոր անդամներին:
21. Ամէն մի անդամ ձայնի հաւասար իրաւունք ունի ժողովի ժամանակ. ձայների հաւասարութեան դէպքում գերակշռութիւնը նախագահի կողմն է:
22. Ժողովից բացակայող անդամը չէ կարող իր ձայնը յանձնել ժողովում ներկայ եղող անդամին,

23. Ժողից բացակայ գտնուող անդամը եթէ ստորադրուի և հրաւիրաթերթին, պարտաւոր է ժողովը կայանալուց առաջ յայտնել ժողովի նախագահին իր բացակայութեան պատճառը:
24. Ընդհանուր ժողովը կանոնաւոր է համարուի եթէ ներկայ են անդամների $\frac{2}{3}$ մասը:
25. Երկրորդ ընդհանուր ժողով հրաւիրուի է եօթ օրից յետոյ, բայց չի կարող կայացած համարուել եթէ ներկայ անդամների թիւը միութեան բոլոր անդամների կիսից պակաս է:
26. Հարկաւոր համարուած ժամանակ, ընդհանուր ժողովի համաձայնութեամբ նախագահի հրաւիրով ներկայ են լինում ընդհանուր ժողովներին նաև «պատուաւոր» կոչուած անդամները կամ կողմնակի ձեռնհաս խորհրդատու անձինք:
27. Ընդհանուր ժողովը գաղտնի քուէարկութեամբ ընտրուի է իր համար նախագահ, փոխ-նախագահ և քարտուղար մի տարի ժամանակով:
28. Ընդհանուր ժողովը ամբողջ միութեան տէր ու տնօրէն լինելով, նրա մօտաւոր զբաղմունքներն են.
- Ա.—Վարչութեան ներկայացրած տարեկան հաշիւների քննութիւնը.
- Բ.—Վարչութեան անդամների և նրա գործունէութիւնը վերատուգող մասնաժողովի ընտրութիւնը.
- Գ.—Վարչութեան կամ որ և է անդամի զեկուցումների քննութիւնը.
- Դ.—Միութեան անդամների կամ վարչութեան մէջ ծագած տարաձայնութիւնների, օրինազանցութիւնների և բողոքների քննութիւնը և օրինազանց պաշտօնեաների հեռացնելը. (*)
- Ե.—Միութեան կանոնադրութիւնը փոփոխելու հարցի քննութիւնը.
- Զ.—Միութեան փակման խնդրի քննութիւնը: (**)

V. ՎԱՐՉՈՒԹԻՒՆ

29. Վաչութիւնը ընդհանուր ժողովի գործադիր մարմինն է և իր արածի համար պատասխանատու է ընդհանուր ժողովի առաջ:
30. Վարչութեան անդամները թուով չորս հոգի ընտրուի են ընդհանուր ժողովից մի տարի ժամանակով գաղտնի քուէարկութեամբ:
- Վարչութիւնը իւրաքանչիւր ամսավերջում զննում է միութեան անդամների մօտ գտնուած զրամական կտրոնները, տետրակները, մատեանները, և առհասարակ զրամական հաշուի վերաբերեալ բոլոր գործերը և թղթերը և ստանում է վարչութեան գանձապահի միջոցով անդամների հաւաքած բոլոր նուիրադրամները: Եթէ որևէ անդամ ամսավերջում չի ներկայացնի իր մօտ գտնուած զրամական հաշիւը, այնուհետև նա երկրորդ ամսուայ համար վճարում է միութեան գանձարանին ամեն մի չվճարած մանէթին մի կոպէկ տոկոս. իսկ եթէ նա ամբողջ երկու ամսուայ ընթացքում լրիւ չի վճարի իր մօտ գտնուած զրամական բոլոր հաշիւները, այն ժամանակ նա համաձայն 11 յօդուածի զրկուի է միութեան անդամութիւնից եւ նրա հասանելի մասը մնում է գանձարանի օգտին և կրկին անդամ լինելու համար օգտուի է կանոնադրութեան 4, 5, 6, 7, 8, 16 յօդուածներով:
32. Թէ անդամավճարները և թէ այլ եկամուտները ստացուի են վարչութեան գանձապահ անդամի ձեռքով, որը ստացած զրամների համար տալիս է անդորրագրեր:
33. Վարչութեան որ և է անդամի հիւանդութեան կամ քաղաքից առնուազն մի ամսեայ բացակայութեան դէպքում, եթէ կարիք կայ խորհրդակցութեան կամ վարչական ժողով գումարելու, վարչութիւնը լրացնում է իր պակաս անդամի թիւը՝ հրաւիրելով միութեան անդամներից մէկին:

Ծանօթութիւն.

(*)—Ընդհանուր ժողովի վճռին չենթարկուող օրինազանց անդամը զգուշութեան է հրաւիրուի ժողովի կողմից կամ նկատողութեան է ենթարկուի, կամ զրկուի է ժողովներում ձայնի իրաւունքից որոշ ժամանակով և կամ զրկուի է մէկ տարուայ իրեն հասանելի եկամուտի որոշ մասից կամ ամբողջից՝ յատկացնելով այն միութեան գանձարանի օգտին. իսկ ծայրայեղ դէպքում ժողովը իրաւունք ունի նրան հեռացնելու միութեան անդամութիւնից և յատկացնել նրա բաժինը գարձալ միութեան գանձարանին. բայց եթէ օրինազանց անդամը կրկին ցանկանայ միութեան անդամ համարուել, պէտք է առաջնորդուի կանոնադրութեան 4, 5, 6, 7, 8, 16 յօդ. համաձայն: (**) Արտշուած փոփոխութիւնները զօրութիւն են ստանում Վեհափառ Վաթուգիկոսի հաստատութիւնից յետոյ:

34. Վարչութիւնը միութեան բոլոր գումարները յանձնում է Պետական կամ մասնաւոր ապահով բանկերին որոշ ժամանակով կամ ընթացիկ հաշւով իր մօտ պահելով յիսուն (50) մանէթից ոչ աւելի ընթացիկ ծախսերի համար:
35. Վարչութիւնը ընդհանուր ժողովի պատուէրով իւրաքանչիւր տարուայ վերջը ներկայացնում է ընդհանուր ժողովին միութեան գործերի տարեկան հաշիւը:
36. Միութիւնն ունի առանձին կնիք, կենդրոնում խաչ, իսկ շուրջը հետեւեալ մակագրութիւնը. «Երևանի հայ քահանաների միութիւն»:

Վ. ՎԵՐԱՍՏՈՒԳՈՂ ՅԱՆՁՆԱԺՈՂՈՎ

37. Ընդհանուր ժողովը տարեկան երկու անգամ զագտնի քուէարկութեամբ ընտրում է վերաստուգող մասնաժողով երկու անդամից բաղկացած, որոնց պարտաւորութիւնն է յննել վարչութեան բոլոր գործերը և զեկուցանել ժողովին:
38. Վերաստուգող մասնաժողովի անդամները չեն կարող վարչութեան անդամներից լինել:

ՎԱ. ՄԻՈՒԹԵԱՆ ՓԱԿՈՒՄԸ

39. Միութիւնը փակելու դէպքում անհրաժեշտ է միութեան բոլոր անդամների $\frac{3}{4}$ մասի համաձայնութիւնը:
40. Եթէ որ և է պատճառով միութիւնը զաղարեցնէ իր ղոյութիւնը, միութեան ամբողջ սեպականութեան գործադրութիւնը տնօրինում է ընդհանուր ժողովը իր ցանկութեան համաձայն:
41. Այս կանոնադրութիւնը հաստատում է ամենայն Հայոց Վեհափառ Հայրապետը, ապա թէ մտնում է օրինական գործադրութեան մէջ:
- Ըստ կոնդակի Վեհափառ Հայրապետի ազդիս թ. 468 թոյլատրի գործադրել այս կանոնադրութիւն ի 17-էն Մարտի: Գիւանապետ՝ Ներսէս վարդապետ Մելիք-Թանգեան 1907—17 մարտի:

Տ. 4.

